

Begegnige mit em Alfred Huggeberger

Autor(en): **Larese, Dino**

Objekttyp: **Article**

Zeitschrift: **Schwyzerlüt : Zyttschrift für üsi schwyzerische Mundarte**

Band (Jahr): **4 (1941-1942)**

Heft 11-12

PDF erstellt am: **26.04.2024**

Persistenter Link: <https://doi.org/10.5169/seals-179086>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Schwyzerlüt

Zyttschrift für üsi Schwyzerische Mundarte

Erschynt 4-6 mal im Jahr i Doppelheft

Redaktion: Dr. phil. G. Schmid, Fryburg im Uechtland, 31. Bd. de Pérolles, 31.
Verlag: Schwyzerlüt-Verlag Oberdießbach. Druck & Sped. R. Bieri, Oberdießbach.

Abonnemänt für 1942 (10-12 Nummere) Fr. 4.—, Usland Fr. 5.—
Einzelprys (a de Kiosk) Fr. -.80. No. 11-12. Yzalunge uf Postscheck Ila 795, Fryburg.

Adrässe für Briefe, Ms., Bstellige, Büecher: Dr. phil. G. Schmid, Fryburg i./Ue.
Rückporto nid vergässe!

Oberdießbach, im Brachmonet 1942.

4. Jahrgang Nr. 11—12

Alli Erzellige, Gedichtli ond Sprüch i dem Heft send vom Alfred Huggeberger.
Nochdruck isch nöd erlaubt.

Begegnige mit em Alfred Huggeberger.

Jez won i do deham hogg ond e paar Wort zämeschriib, chont mer aas oms ander wider z'Sii, all die vile Höck mit em Alfred Huggeberger. Sys Lache isch om my, ase warm ond heimelig, ond y ghör sini Stimm, wo mer wider e Gschichtli verzellt, vom Wald oder vomene Puur. Und de Früeligstag lüüchtet wider uf, wonen zom erschemol gseche ha. Mer send zonem ufe gloffe uf Gerlike. Er hät i de Wes osse Holz ufglade, langi Schiiter ond syn Enkel hät em gholfe. Langi Zyt semmer i de Stube ghogget, sini Frau isch au drby gsi, und de Tag hät my sither zeemol schöner tunkt.

Im Wenter druf isch er zo üs use cho. Er hät üsen Bueb, wo dozmol no glebt hät, aglueget ond gschwätzt mit em, ase fi ond lislig, ond z'obed hät er i üsem Verein us sine agene Büechere vorglese. En Huufe Lüt send cho. Und em Alfred Huggeberger isch es selber ase gmüetlich gsi. Me häts amel gad gschpürt, wenn er aas Aug eso e chli zämetruckt hät. S hät amel nono eso schlaue vöregüßlet, ond s ander Aug isch offe gsi ond hät glachet, glachet wie sys Muul ond sys ganz Gesicht.

Zwüschet dene Begegnige häämer amel denand gschrebe. I ha si alli ufpalte, sini Brief mit de klare, tütsche Schreft ond die vile Charte, wonem de Chreidolf ond anderi zachnet hend. I luegs wider a ond les si allpot. Mengmol lang y au is Büechergstell ond nem en Gedichtband oder en Roman vöre ond

schlag gad di erscht Siite n uf, well do e langi, schöni Widmig stoot ond mer da Buech no goldiger macht.

Vor e paar Tag bini wider mit em zäme gsi. Mer hend vo dere Nummere gschwätzt, aber au no vo vilem anderem. Er hät mer verzellt, daß er de ganz Vormittag im Wald osse gschaffet heb. I ha no glosset und drbi tenkt, daß er a de Wienacht füfesiebezgi seg. Wer gsächt em da a! Ase frisch ond lebtig wie n Junge, voll Plän ond Jdee isch er gsi. Und s isch mer uf amol de seb Obed in Sy cho, wo mer z Amerschwyli im „Bahnhof“ ghogget send ond er ase luschtig gsat hät, er merki nüt vom Alter, er welli gern no echli elter were. Eso isch aber alles an em, jung und riich, sys Wese, sini Perso, sys Werk, volle Erdguu, Waldloft ond em große Geheimnis vo dr Natur. Ond us allem chont en Troscht und e heiters Lache, das drom so guet isch, well er tüf ond fescht i üsem Bode stoot.

S meischt wa de Alfred Huggeberger gschrebe hät, isch schrefttütsch, aber d'Chraft ond d'Wärmi i dene Buechere hät er döther wo n er herchont, us üsere Ärde ond us üsere Muettersproch. Drom hät er viles i dr Mundart gsat, di meischte Theaterstugg ond vil vil Gedicht, ernschi ond luschtigi. S isch amel as täg er vo Zyt zo Zyt itauche i die Brünne vo dr Haamet, danner denn wider d'Chraft hät för di schrefttütsche Buecher.

Ond die Nummere well en chline Blick gge is Mundartschaffe vom Alfred Huggeberger. Si will d'Lüt amache, alli Mundartbuecher von em kennezlerne. Drom hämmer hene e Verzeichnis, wo myn Brüeder mit vilem Chrampfe zämegstellt hät.

Aber die Nummere will no öppis me: si will üsem große Meischter tanke ond em es erscht chlis Geburtstagsgeschenk si.

Dino Larese.

En Ostereierspruch.

E-n-Eili, wo nid verschloht,
e Liebi, wo nid vergoht,
en Junggsell ohni Tück,
wer die drü findt, hät Glück.